

Laste i Sulejman a.s.

Tako se priča da je jednom prilikom Sulejman, a.s., ušao u Mesdžidu-l-Aqsa (džamija u Jerusalemu) i pod kubbetom čuo mušjaka lastavice kako se u zanosu aška dodvorava ženki, rekavši joj između ostalog: "Da ti od mene zatražiš da ovo kubbe srušim na Sulejmana, a.s., ja bih to odmah učinio!" Čuvši to, Sulejman, a.s., koji je znao govor ptica, pozva ga i upita: "Kako smiješ tako govoriti? Otkud takav nerealni govor? Hoćeš li da te sad kaznim?" Mušjak lastavice mu na to reče: "O Allahov Poslaniče, ti znaš da sam ja to govorio jezikom aška, a ašku se ne sudi po zakonima običnog prava već po zakonima aška." Na to se Sulejman, a.s., osmjehnuo i otišao.